

例言

• 定谱式 欧阳氏家谱旁行斜上五代转图苏氏易旁行为直行冠以别子别子者谓从他国来于本国盖即始迁祖也列为一世其子为二世序法必二世叙毕方叙三世至四世五世皆然惟世系首加增总系图俾阅谱者开卷稽考一目了然

• 严书法 家谱与国史相表里故叙世系于其人之下註为某之子统于所尊也所生子之女即註于其母之下母以子贵也女曰适某之子某妻曰某之女有名爵者必书异籍曰某郡邑妻曰娶曰继娶曰再继曰后继妾曰庶娶凡以示有别而嫡庶明也妇再嫁者义与庙绝例不书然子无绝母之理故有子者略其卒葬亦书之子后人者书出继某见于所后之后曰子某某子入继子兼祧者书子某某兼祧某于兼祧书子某某子兼祧见于兼祧者之世于所生书某子于兼祧书某某兼祧子皆重于其所生也兼祧生子者书子者书分子某见于分子之世书某分子兼祧者一名两列为其分之有所 丽也凡无妣而嗣曰立某子为嗣其兼祧曰以某子兼祧无所考曰失考歿而无子书曰无传出后异姓与同姓而非其宗者必书有待于其复也入二氏者不书绝之也年未滿十二者准以下殇之例书殇八岁以下为无服之殇不列派次生未三月不为殇年通曰年至年滿七十者另登入耆寿尚齿也同穴曰合葬葬于侧曰祔妻附于夫弟附于兄及凡卑附

于尊皆是总以见名义之不可紊云

• 立派行 我族自仲福公迁巴陵谱牒与湘邑分合已达三修其派语自丙辰更正巴湘合同一例自后历代挨次命名毋得妄意更易庶足以昭画

• 志坟墓 坟墓者所以瘞藏先人之体魄也无分世之先后地之远近务须核实查明註载或本山与异姓相联属勤或与族房相毗界核实者註明某人之墓并绘图形修谱时庶便登录其或没葬多年疑信相参即以疑传疑非疏略也恐貽日后以争端也所有墓志碑铭俱依此登载

• 纪迁徙 择地而居古人皆然我族先世烈祖子姓分居省府州县万派千支有因仕宦而迁者有因就产而迁者有因乱离而迁者凡旧谱所有若不详纪载恐久而无稽其近今迁徙诸处者即于其名不之下仍註明迁居某处庶几易查阅

• 重宗祠 古者家必有庙庙必有主原以妥先灵而敬所宗也务以清肃洁净为主守祠者早晚事香灯清扫尘埃布设几筵祠中禁止堆放木料寿枋水车犁耙农器并打颺豆麦及挂篙晒晾女衣破服门外外廊檐不许堆积砖瓦柴薪杂物周围沟渠及丹墀房舍须时常巡视修理毋使漏坏倾颓间有不法子弟伙伴袒裼当门偃卧謔唱弹竟以为歌憩乘凉这所其渎亵为已极此在住祠者严为杜绝否则禀白族长叱出之至于守祠之人亦不得以房屋借人混杂居住自今以后司守者不得辞其责也

• 崇祀典 禴祠烝尝古之大礼所以报本而追远也

朱子云冬至祭始祖立春先祖然人立宗祠果能按时致亦推广薦食之义联敬宗收族之情务须届期齐洁肃其容止整其衣冠属尽其如在之诚毋得视为故常致滋神渎戒之戒之

• 慎承继 似续之重宗祀似关无子者例许同宗昭穆相当之侄承继先尽同父周亲次及大功缌麻如俱无方许择立远房及同姓为嗣又若应继之人平日先有嫌隙则于昭穆相当亲族内择贤择爱听从其便无得勒令承继更有子已出继而本生父母无子所养你母愿以子还养者遵依兼桃之例承继两房

• 志仕宦 扬名显亲昔人重之我族先世勋名仕宦旧谱已登载者依世详载否则不敢依附为有识者嗤焉

• 表节烈 柏舟懔节冰雪为心诚尤古政教纲常所赖也必大书特书示来兹以昭潜其温柔淑善堪为闺阁中之仪范者另别之贤女传中

• 辑文艺 片言只字墓非士人心血登载一二以存不朽

• 阙不肖 族内子孙有作奸犯科者谱中空白一代止载某人之子而隐其名或其人有子只载某人之孙非过刻也实以垂戒

• 收谱牒 重修谱牒共计八册以忠孝仁爱信义和平编号仍照柱分派存每年清明稽阅惟和平字号谱其印刷纸笔墨费均皆自备和字系昆山公房孟华领存平系瑞吉公房益善领存限三年一对读若有将谱中妄添一字者罚洋四十圆及有涂改一字者罚同收谱者慎之慎之